


~~T5213~~ / 0441

T 5214.4

14

11

2



唐詩紀事卷第四十一

白行簡

章孝標

蔣防

孟簡

李程

張蕭遠

許唐佐

許光佐

張南史

徐凝

朱畫

侯喜

蔣防

白行簡

春從何處來詩云欲識春生處先從木德來入門清氣
初度疑晴雪梅邊透雪寒花散清冰水鏡開曉迎郊綺
夜逐斗光回淑氣東中變新聲雨後傳偏宜資律呂應
是候陽臺

唐詩紀事卷第四十一

白行簡

章孝標

施肩吾

孟簡

李程

張蕭遠

許堯佐

張南史

徐凝

朱畫

侯喜

蔣防

白行簡

春從何處來詩云欲識春生處先從木德來入門潛報
柳度嶺暗驚梅透雪寒花散消冰水鏡開曉迎郊綺發
夜逐斗光回淑氣寅中變新聲雨後催偏宜資律呂應
是候陽臺

哈佛大學
圖書館
藏印

在巴南望郡南山云臨江一嶂白雲間紅綠層層錦繡
班不作巴南天外意何殊昭應望驪山樂天和云返照
前山雲樹明從君苦道似華清試聽腸斷巴猿叫早晚
驪山有此聲時樂天在忠州
九日作云隆慮意何如窮荒九日初三秋異鄉客一紙
故人書對酒情無限開緘思有餘感時空寂寞懷舊幾
躊躇鴈過平沙迥煙銷大漠虛登臺南望處掩淚對雙
魚

行簡以瀘水羅賦得名其警句云焦螟之生必全有以
小為貴者江漢之流雖大盡可以一貫之又曰夕掛于

壁如滿月之在天曉用于人狀圓荷之映水
行簡字知退敏而有詞元和二年登第為度支郎中寶
曆二年卒

行簡小字阿伶樂天同遊湖中詩云潯陽少風情客
招宿湖亭盡却迴水氣虛涼風月好夜深惟有阿伶來
行簡恩賜章服樂天以詩寄之云吾年五十加朝散爾
亦今年賜服章齒髮恰同知命歲官街俱是客曹郎予
弟年五十賜緋官榮傳錦帳花聯萼彩動綾袍鴈趁行大
抵着緋宜老大莫嫌秋髮數莖霜

章孝標

孝標元和十三年下第時輩多為詩以刺主司獨孝標
為歸鶯詩留獻侍郎庾承宣得詩展轉吟諷庾果重典
禮曹孝標來年登第詩云舊累危巢泥已落今年故向
社前歸連雲大厦無棲處更望誰家門戶飛孝標及第
除正字東歸題杭州樟亭驛云樟亭驛上題詩客一半
尋為山下塵世事日隨流水去紅花還似白頭人初成
落句云紅花真笑白頭人改為還似且曰我將老成名
似我芳艷詎能久乎及還鄉而逝或曰前有八元後有
孝標皆桐廬人復同姓而皆不達李紳鎮揚州請孝標
賦春雪詩命題於臺盤上孝標唯然索筆一揮云六出

花飛處處颺粘窻拂砌上寒條朱門到晚難盈尺盡是
三軍喜氣銷

孝標及第後寄紳曰及第全勝十改官金鞍鍍了出長
安馬頭漸入揚州郭為報時人洗眼看紳以一絕箴之
曰假金方用真金鍍若是真金不鍍金十載長安得一
第何須空腹用高心

孝標大和中山南東道從事試大理評事

明日鑿輿欲向東守宮金翠帶愁紅九門佳氣已西去

千里花開一夜風無題右張為取為主客圖

歸海上舊居云鄉路遶蕪葭縈紆出海涯人衣被蜃氣

鳥跡印鹽花草沒題詩石潮推坐釣槎還歸舊窻裏凝
思賞煙霞

長安秋日云田家無五行水旱卜蛙聲牛犢乘春放兒
孫候暖耕池塘烟未起桑柘雨初晴歲晚香醪熟村村

自送迎

右二詩韋
莊又玄集

施肩吾

肩吾洪州人元和十年登第以洪州西山羽化之地慕
其真風高蹈於此為詩奇麗著百韻山居詩才情富贍
如荷翻紫蓋搖波面蒲瑩青刀挿水湄又煙粘薜荔龍
鬚軟雨壓芭蕉鳳翅垂

又贈邊將詩曰輕生奉國不為難戰苦身多舊箭癡玉
匣鎖龍鱗甲冷金鈴襯骨羽毛寒皂貂擁出花當背白
馬騎來月在鞍猶恐犬戎臨虜塞柳營時把陣圖看
又上禮部侍郎陳情云九重城裏無親識八百人中獨
姓施弱羽飛時攢箭險蹇驢行處薄冰危晴天欲照盆
難反貧女如花鏡不知却向從來受恩地再求青律變
寒枝

又贈友人下第閑居云花眼綻紅斟酒看藥心抽綠帶
煙鋤皆輕巧之極

惜花云落盡萬株紅無人解繫風今朝芳徑裏惆悵錦

機空

隋曲有疎勒鹽唐曲有突厥鹽阿鵲鹽或云關中人謂
好為鹽故有吾詩云顛狂楚客歌成雪媚賴吳娘笑是
鹽蓋當時語也今杖鼓譜中尚有炎杖聲

效古興云金雀無舊釵絳綺無舊裾惟有一寸心長貯
萬里夫南軒夜蟲織已促北牖飛蛾遠殘燭祇言衆口
鑠千金誰信獨愁銷片玉不知歲晚歸不歸又將啼眼
縫征衣

夜宴曲云蘭缸如晝買不眠玉爐夜起沉香烟青娥一
行十二仙欲笑不笑桃花燃碧窻弄嬌梳洗晚戶外不

知雲澤轉被郎嗔罰屠蘇盞酒入四肢紅玉軟肩吾有
年來如拋梭不老應不得之句又及第後過揚子江詩
云憶昔將貢年抱愁此江邊魚龍互閃爍白浪高於天
今日步青草還來經此道江神也世情為我風色好右
張為取作主客圖

張籍贈詩云世間漸覺無多事雖得空名未著身合取
藥成相待喫不須先作上天人又送肩吾東歸云知君
本是烟霞客被薦因來城闕間世業偏臨七里瀨仙遊
多在四明山早聞詩句傳人徧新得科名到處閑惆悵
灞亭相送去雲中琪樹不同攀

鮑溶

岐路詩云北風送微寒徒侶勤遠程憂人席不煖殘月
馬上明颼颼岐路間長見日初生重嶂曉色淺踈猿寒
啼清人間多岐路常恐終身行迴見四方人車輪無留
聲空谷亦堪隱下田非懶耕古人有遺訓飽食非親榮
我生禮義鄉少小見太平聖賢猶羈旅况復非其名
長城作云蒙公虜生人北築秦氏冤禍興蕭牆內萬重
防禍根城成六國亡宮闕啓千門生人半為土何用空
中原柰何家天下骨肉尚無恩投沙擁海水安得不久
翻乘高慘人魂寒日易黃昏枯骨貫朽鐵沙中如有言

萬古驪山葬誰知野火燔

秋暮山中寄李益端公云舊事與日遠酒花仍舊香前
年繡衣客此節過此堂侍臣不自高笑解繡衣裳眠雲
有餘態入鳥不亂行我恐雲嵐色損君鞍馬光君言此
何言且共覆前觴古人重一笑買日輕金裝日盡秉燭
遊千年不能忘君言此何言明日皆異鄉明日非今日
山下道路長一從山下去天地再炎涼此期果難得夢
君馬玄黃

許渾過鮑溶宅有感云寥落故人宅重來身已亡古苔
殘墨沼深竹舊書堂秋色館池靜雨聲雲木涼無因展

交道日暮倍心傷

溶登元和進士與韓愈李正封孟郊友善

溶有途中句云躍馬非壯歲報恩無高功斯言化為火
日夜焚深衷又上太原王尚書云天王委管籥開閉奏
北門頂戴日月光口宣雨露言又秋懷句云萬里岐路
多一身天地窄右張為主客圖取溶為工用博解宏拔
主

孟簡

惜分陰詩云業廣因功苦拳拳志士心九流難酌挹四
海易消沉對景嗟移晷窺園詎改陰三冬勞聚學駟景

重無金刺股情方勵偷光思益深再中如可冀終嗣絕
編音

元和中簡將試詣日者卜之曰近東門坐即得之矣既
入即坐西廊迫晚忽得疾隣生請與終篇見其姓即東
門也乃擢上第

簡字幾道德州人元和中為戶部侍郎以賊貶後以太
子賓客分司尤工詩尚節義

簡擬古云劔客不誇怨主人知取心但營纖毫義肯許
千萬金勇則看鷲擊憤來聽虎吟平生貴疇德刃敵無
幽深

李程

程貞元中試日五色賦破題云德動天鑿祥開日華其
卷已黜揚於陵薦之主文呂渭於是已落重收
詠冰壺云琢玉性惟堅成壺體更圓虛心含衆象應物
受寒泉溫潤資天質清真稟自然日融光自散雪映色
逾鮮至鑒功寧宰無私照豈偏明將水鏡對白與粉闈
連拂拭終為美提携佇見傳勿令毫髮累遺恨鮑公篇
程字表臣為翰林學士日過八磚乃至時號八磚學士
寶曆二年為相最為帝所重曰高飛之翻長者在
前卿朝廷羽翮也

張蕭遠

肅一作遠

履春冰詩云一步一愁新輕輕恐陷人薄光全透日殘
色半銷春蟬想行時翼急驚躍處鱗底虛難駐足岸闊
怯迴身豈暇踟躕又寧辭顧盼頻願將競慎意從此越
通津

觀燈云十萬人家火燭光門門開處見紅粧歌鍾喧夜
更漏暗羅綺滿街塵土香星宿別從天畔出蓮花不向
水中芳寶釵乘馬多遺落依舊明朝在路傍

蕭遠元和進士登第

春雲寂寂僧還定盡日無人鹿遶牀
句日暮風吹官渡

柳白鷗飛出石頭墻

廢城句

雙雙白燕入祠堂

乳石洞玉女祠句

右張為取作主客圖

張籍有弟蕭遠雪夜同宿詩云數卷新遊蜀客詩長安僻巷得相隨草堂深夜携琴宿說似青城館裏時

許康佐

白雲起封中詩云英英白雲起呈瑞出封中表聖寧依地逢時豈待風浮輝彌皎潔流影更冲融自叶堯天美誰言漢日同泥金光乍掩檢玉氣俄通猶願非煙瑞亭亭不散空

元稹酬許五康佐詩云猿啼三峽雨蟬報兩京秋珠玉

慙新贈芝蘭忝舊遊他年問狂客須向老農求

康佐以中書舍人為翰林侍講學士與王起皆為文宗寵禮帝讀春秋至閹殺吳子餘祭問閹何人耶康佐以中官方彊不敢對帝嘻笑後問李訓訓曰國君不近刑人以為輕死之道帝曰朕近刑人多矣得不慮哉訓曰列聖知而不能遠惡而不能去陛下念之宗廟福也於是內謀翦除矣康佐終於禮部尚書

許堯佐

堯佐金谷懷古云石氏遺文在淒涼見故園清風思奏樂衰草念行軒舞榭蒼苔掩歌臺落葉繁斷雲歸舊壑

流水咽新源曲沼殘煙斂叢篁宿鳥喧惟餘池上月猶似對金樽

康佐諸弟皆第進士而堯佐最先進又舉宏詞為太子授書郎八年康佐繼之

堯佐貞元十六年與燉煌張宗本滎陽鄭權皆佐征西府後位諫議大夫卒

張南史

陸滕宅秋雨中探韻云同人永日自相將深竹閑園偶辟疆已被秋風教憶鱸更聞寒雨勸飛觴歸心莫問三江水旅服徒霑九月霜醉裏欲尋騎馬路蕭條幾處有

垂楊

送朱大北遊云歲暮一為別江湖聊自寬且無人事變誰謂客行難邛曲憐公子皇州憶伯鑿蒼蒼遠山際松樹獨宜寒

南史好奕碁其後折節讀書遂入詩境李端哭之云諫草文猶在圍碁智不如高仲武云張君奕碁者中年感激苦節學文數年間稍入詩境如已被秋風教憶鱸更聞寒雨勸飛觴事與物力俱矣

南史字季直幽州人以試叅軍避亂居揚州再召未赴而卒

錢起贈南史云紫泥何日到滄州笑向東陽沈隱侯黛
色晴峯雲外出縠紋江水縣前流使臣自欲論公道才
子非關厭薄遊溪畔秋蘭雖可佩知君不得少停舟

徐凝

范攄言樂天為杭州刺史令訪牡丹獨開元寺僧惠澄
近於京師得之植於庭時春景方深惠澄設油幕覆其
上會疑自富春來未識白先題詩曰此花南地知難種
慙愧僧閑用意栽海鷺解憐頻睥睨胡蜂未識更徘徊
虛生芍藥徒勞妬羞殺玫瑰不敢開惟有數苞紅萼在
含芳只待舍人來白尋到寺看花乃命徐同醉而歸時

張祐榜舟而至二生各希首薦白曰二君論文若廡白
之闔鼠穴勝負在於一戰遂試長劔倚天外賦餘霞散
成綺詩試訖解送凝為元祐次耳祐曰祐詩有地勢遙
尊岳河流側讓關又題金山寺詩曰樹影中流見鐘聲
兩岸聞雖綦母潛云塔影挂青漢鐘聲和白雲此句未
為佳也凝曰美則美矣爭如老夫今古長如白練飛一
條界破青山色凝遂擅塲祐歎曰榮辱糾紛亦何常也
遂行歌而邁凝亦鼓柁而歸自是二生不隨鄉賦矣白
又以祐宮調四句皆數對未足奇也後杜牧守秋浦與
祐為詩酒友酷吟祐宮詞以白有非祐之論常不平之

乃為詩以高之曰誰人得似張公子千首詩輕萬戶侯
又曰如何故國三千里虛唱歌詞滿六宮杜盛言其美
者欲以苟異於白而曲成於張也故牧又著論言近有
元白者喜為淫言媒語鼓扇浮囂吾恨方在下位未能
以法治之斯亦敷佐於祐耳潘若冲郡閣雅談云凝官
至侍郎多吟絕句曾吟廬山瀑布膾炙人口又題處州
縉雲山黃帝上昇之所鼎湖蓋黃帝鑄鼎處也有池在
山頂詩云黃帝旌旗去不迴空餘片石碧崔嵬有時風
卷鼎湖浪散作晴天雨點來自後無敢題者凝送馬向
游蜀云遊子去咸京巴山萬里程白雲連鳥道青壁迤

猿聲雨雪輕泥坂煙花望錦城工文人共許應記蜀中
行

送李補闕歸朝云四牡歸城闕雙鳧去海門還從青切
禁再沐聖明恩禮樂中朝盛文章大雅存江湖多旅逸
獻替欲誰論

問漁叟云生事同漂梗機心在野舡如何臨近水白髮
未忘筌

樂天薦徐凝屈張祐論者至今鬱鬱或歸白之妬才也
余睹皮日休論祐云祐元和中作宮體詩辭曲艷發當
時輕薄之流重其才合譟得譽及老大稍闕建安風格

誦樂府錄知作者本意講諷怨譎時與六義相左右此
為才之最也祐初得名乃作樂府艷發之詞其不羈之
狀往往間見疑之操履不見於史然方干學詩於凝贈
之詩曰吟得新詩草裏論戲反其辭謂材裏老也方干
世所謂簡古者且能譏凝則凝之朴畧推魯從可知矣
樂天方以實行求才薦凝而抑祐其在當時理其然也
令狐楚以祐詩三百篇上之元稹曰彫蟲小技或獎激
之恐害風教祐在元白時其譽不甚持重杜牧之刺池
州祐且老矣詩益高名益重然牧之少年所為亦近於
祐為祐恨白理亦有余嘗謂文章之難在發源之難

也元白之心本乎立教乃寓意於樂府雍容宛轉之詞
謂之諷諭謂之閑適既持是取大名時士翕然從之師
其詞失其旨凡言之浮靡艷麗者謂之元白體二子規
規攘臂解辯而習俗既深牢不可破非二子之心也所
以發源者非也可不戒哉

青山舊路在白首醉還鄉公別白試到第三橋便入千頃
花句高景爭來草木頭一生心事酒前休山公自是山
人侶携手醉登城上樓公塔白右張為取作主客圖

朱畫

贈友人古鏡云我有古時鏡初自壞陵得蛟龍猶泥蟠

聽魅幸月蝕摩久見菱葉青於藍水色贈君將照心無使心受惑

喜陳懿老示新製云一別一千日一日十二憶苦心無閑時今夕見玉色玉色復何異弘明含群德有文如星宿飛入我胸臆憂愁方破壞懽喜重補塞使我心貌全且非黃金力將攀下風手願假仙鸞翼子欲見詩人孟郊故寄誠於此賦得花藤藥合寄穎陰故人云藤生南海濱引蔓青且長剪削為花枝何人無文章非才亦有心割骨聞餘芳繁葉落何處孤身在中央願盛黃金膏寄與青眼郎路遠莫知意水深天蒼蒼

晝元和間進士

侯喜

劉師服軒
韓彌明

韓退之石鼎聯句詩序云元和七年十二月四日衡山

道士軒轅彌月舊與進士劉師服衡湘中相識師服在

京夜抵其居宿有校書郎侯喜新有能詩聲夜與劉說

詩彌明指爐中石鼎曰子能為我賦此乎喜即援筆賦

之彌明繼焉詩曰妙匠斲山骨剗中事煎烹師直柄未

當權塞口且吞聲喜龍頭縮菌蠢豕腹脹膨脝彌外苞

乾鮮文中有暗浪驚師在冷安自是遭焚意彌貞喜謬

當鼎鶴間安使水火爭彌大若烈士膽圓如戰馬纓師

上比香爐尖下與鏡面平喜秋菰未落蒂凍芋彊抽萌

彌一塊元氣閑細泉幽竇傾服不值輸寫處焉知懷抱

清喜方當洪爐然益見小器盈明院院無刃跡團團類

天成遙疑龜負圖出曝曉正晴喜旁有雙耳穿上為孤

髻撐明或訝短尾鈿又似無足鎗服可惜寒食毬擲在

路傍坑喜何當出灰炆無計離瓶罌服陋質荷斟酌狹

中愧提擎服豈能煮仙藥但來汚羊羹喜形模婦女笑

量度兒童輕明徒示堅重性不合升合盛傍似廢轂仰

側見折軸橫喜時於蚯蚓竅微作蒼蠅鳴明以茲翻溢

憊實負任使誠服常居顧盼地敢有漏泄情寧依暖熱

弊不與寒涼并明區區徒自効瑣瑣不足呈服迴旋但

兀兀開合唯鏗鏗喜全勝瑚璉貴空有口傳名豈此俎

豆古不為手所撻磨礪去圭角浸潤著光明願君莫嘲

誚此物方施行四韻并是始服師服援筆題首句授喜喜

綴其下云云道士笑曰子詩如是而已乎即袖手竦肩

傍北墻坐謂劉曰吾不解世俗書弟子為我書吾句因

高吟龍頭豕腹一聯初不似經意詩旨有似譏喜二子

相顧慙駭欲以多窮之道士不用意益切奇出不可附

說皆侵劉侯二子思竭不能續道士曰章不可不成命

劉把筆唱出四十字為八句讀畢謂二子曰此皆不足

與語此寧為文耶吾所聞子皆不足聞也二子驚惋自失

蔣防

春風扇微和詩云麗日催遲景和風扇早春暖浮丹鳳
闕韶媚黑龍津澹蕩迎仙仗霏微送畫輪綠搖官柳散
紅待禁花新舞席皆迴雪歌筵暗起塵辛當陽律候惟
願及佳辰

望禁苑祥光詩云嘉瑞生天色葱籠幾效祥樹搖三殿
側日映九城傍仙霧今同色卿雲未可章橫汾凝鼎氣
臨渭比榮光豈並春風舊俄同聖壽長微臣時一望短

羽欲翔翔

冬至日祥風應候詩云節逢清景空氣占二儀中獨喜
登高日先知應候風呈祥光舞化表慶感堯聰况與承
時叶還將入律同微微萬卉逼習習九門通遶殿爐煙
起殷勤報歲功

杜賓客永豐里新居云退蹟居三選辭榮繼二疏聖情
容解印帝里許懸車已去龍樓籍猶分御廩儲風泉輸
耳目松竹助玄虛調護心常在山林思有餘應嗤紫芝
客遠就白雲居

元和中李紳及防薦龐嚴為翰林學士李逢吉誣紳罪

唐詩紀事卷第四十一
逐之出嚴刺信州防刺汀洲于敖封還詔書縉紳意伸
其枉曰于給事犯宰執之怒中罷蔣之屈不亦善乎奏
下乃論貶嚴太輕衆嗤譟防作連州廖先生碑銘云長
慶末余自尚書司封郎中知制誥翰林學士出守臨汀
尋改此郡

唐詩紀事卷第四十一

唐詩紀事卷第四十二

王涯

令狐楚

張仲素

王涯

獻壽詩云宮觀參差列九重祥雲瑞氣捧堦濃微臣欲
獻南山壽遙指南山對袞龍

遊春詩云曲江絲柳變煙條寒谷冰隨暖氣消纔見春
光生綺陌已聞清樂動雲韶經過柳陌與桃蹊尋逐春
光著處迷鳥度時時衝絮起花繁袞袞壓枝低

秋思云網軒涼吹動輕衣夜聽更長玉漏稀月渡天河
光轉濕鵲驚秋樹葉頻飛宮連太液見滄波暑氣微消

秋意多一夜輕風蘋末起露珠翻滴滿池荷

從軍詞云髦頭夜落捷書飛來奏金門著賜衣白馬將軍頻破敵黃龍戍卒幾時歸

塞下曲云辛勤幾出黃花戍迢遞初隨細柳營塞晚每愁殘月苦邊秋更逐斷蓬聲年少辭家從冠軍金裝寶劍去邀勳不知馬骨傷寒水惟見龍城起暮雲

平戎詞云太白秋高助發兵長風夜卷虜塵清男兒解却腰間劍喜見從王道化平塞虜常為敵邊聲已報秋平生多志氣箭底覓封侯

從軍詞云戈甲從軍久風雲識陣難今朝拜韓信計日

斬成安燕頷多奇相狼頭敢犯邊寄言班定遠正是立功年

隴上行負羽到邊州鳴笳度隴頭雲黃知塞近草白見邊秋

閨人贈遠花明綺陌春柳御溝新為報遼陽客流芳不待人遠成功名薄幽閨年貌傷粧成對春樹不語淚千行形影一朝別煙波千里分君看望君處祇是起行雲戴勝飛晴野凌漸下濁河春風樓上望誰見淚痕多春江曲搖漾越江春相將看白蘋歸時不覺夜出浦月隨人家寄征江岸征人幾歲遊不如潮水信每日到沙

頭乘曉南湖去參差疊浪橫前洲在何處露裏鴈嚶嚶
塞下曲三伐漁陽再渡遼驛弓在臂劍橫腰匈奴似欲
知名姓休傍陰山更射鵬獵馬千群鴈幾雙燕然山下
碧油幢傳聲漠北單于破火照旌旗夜受降朔雪飄飄
開鴈門平沙歷亂卷蓬根功名耻計擒生數直斬樓蘭
報國恩隴水潺湲隴樹秋征人到此淚雙流鄉關萬里
無因見西戍河源早晚休陰磧茫茫塞草腓桔槔烽上
暮煙飛關河北望天連海蘇武曾將漢節歸

漢苑行二月春風變柳條九天清樂奏雲韶蓬萊殿後
花如錦紫閣堦前雪未消迴鴈高翻太液池新花低發

上林枝年光到處皆堪賞春色人間總未知春風澹蕩
影悠悠鷺轉高枝鷺入樓千步迴廊聞鳳吹珠簾處處
上銀鈎

閨思云洞房今夜月如練復如霜為照離人恨亭亭到
曉光

涯字廣津博學工屬文梁肅陸贄異其才元和中為相
又相穆宗至文宗時李訓敗遂及禍

令狐楚

宮中樂云楚塞金陵靖巴山玉壘空萬方無一事端坐
大明宮雪霽長楊苑冰開太液池宮中行樂日天下盛

明時柳色煙相似梨花雪不如春風空有意一一麗皇
居月上宮花靜煙含苑樹深銀臺門已閉仙漏夜沉沉
九重青瑣闥百尺碧雲樓明月秋風起珠簾上玉鈎
遠別離云楊柳黃金穗梧桐碧玉枝春來消息斷早晚
是歸時玳織鴛鴦履金裝翡翠簪畏人相借問不擬到
城南

遊春辭云曉遊臨碧殿晚日上春亭芳樹羅仙苑晴山
展翠屏一夜好風吹新花一萬枝風前調玉管花下簇
金羈

長相思云君行登隴上妾夢在閨中玉箸千行落銀牀

一半空綺席春眠覺紗窗曉望迷朦朧殘夢裏猶自在
遼西

年少行云少小城邊慣放狂驕騎蕃馬射黃羊如今年
老無筋力猶倚營門數鴈行家本清河住五城須憑弓
箭覓功名等閑飛鞚秋原上猶向寒雲試射聲弓背霞
明劍照霜秋風走馬出咸陽未收天子河源地不擬回
頭望故鄉雪滿庭中月滿樓金樓玉柱對清秋當年稱
意須為樂不到天明未肯休

從軍行云荒鷄隔水啼汗馬向風嘶終日隨旌旆何時
罷鼓鞞孤心眠夜雪滿眼是秋沙萬里猶防塞三年不

見家却望冰河濶前登雪嶺高征人幾多在又擬戰臨
洮胡風千里驚漢月五更明縱有還家夢猶聞出塞聲
暮雪迷青海陰霞覆白山可憐班定遠生入玉門關
塞下曲云雪滿衣裳冰滿鬚曉隨飛將伐單于平生志
氣今何在把得家書淚似珠邊草蕭條塞鴈飛征人南
望盡霑衣黃塵滿面長須戰白髮生頭未得歸
思君恩云小苑鶯歌歇長門蝶舞多眼看春又去翠輦
不經過紫禁香如霧青天月似霜雲韶何處奏祇是在
昭陽鷄鳴天漢曙鶯語禁林春誰入巫山夢惟應洛水
神

王昭君云錦車天外去毳幕雪中開魏闕蒼龍遠蕭關
赤鴈來仙娥今下嫁驕子自同和劔戟歸田盡牛羊繞
塞多

望春辭云高樓望見一花開便覺春光四面來曉日晴
雲知次第東風不用更相催雲霞五采浮天闕梅柳千
般夾御溝不上黃山南北望豈知春色滿神州

楚父為太常博士詩云何日居三署終年尾百寮世傳
之立春後言懷招汴州李庭衙推云闕齋夜擊唾壺歌
試望夷門柰遠何每聽塞笳離夢斷時窺清鑑旅愁多
梢驚宵漏丁丁促已覺春風習習和海內故人最先得

花間鞭馬更相過

節度宣武酬樂天夢得云蓬萊仙監

樂天客曹郎劉為主客曾

枉高車客大梁見擁旌旄治軍旅知親筆硯事文章愁
看柳色懸離恨憶述花枝助酒狂洛下相逢肯相寄南
金璫錯玉淒涼劉詩云曾經謝病客遊梁今日相逢憶
李王少有一身無將相更能四面占文章白詩云馬頭
拂柳時回轡豹尾穿花暫亞槍誰引相公開口笑不逢
白傳與劉郎

楚自翰林學士拜相子絢自湖州召入翰林為學士間
歲拜相渭南尉趙嘏獻詩曰鷄在鄉雲冰在壺代天才

業奉訐謨榮同伊陟傳朱戶秀比王商入畫圖昨夜星
辰回劔履前年風月滿江湖不知機務時多暇猶許詩
家屬和無

貞元七年杜黃裳知舉徵服訪名士於尹樞樞言子弟
有崔茂畧孤進有林藻令狐楚其年樞冠榜試珠還合
浦賦藻賦成夢人謂曰何不叙珠來去之意既寤改之
黃裳謂藻曰叙珠來去如有神助是年楚第五藻第十

一
楚字殷士德茶之裔與李逢吉善元和末為相敬宗逐
李紳楚自宣武節度徙天平入為左僕射開成間卒楚

遊義興寺寄上李逢吉相公云柳宮無事詣蓮宮相公久住
此步步猶疑是夢中勞役徒為萬夫長閑遊曾與二人
同鳳鸞飛去仙巢在龍象潛來講席空松下花飛頻佇
立一心千里憶梁公

遊晉祠上李逢吉相公云不歷晉祠三十年白頭重到
一凄然泉聲自昔鏘寒玉草色雖秋耀翠鈿少壯同遊
寧有數尊榮再會便無緣相思臨水下雙淚寄入并汾
向洛川

張仲素

聖神樂云玉帛殊方至歌鐘比屋聞華夷今一貫同賀

聖明君海浪恬丹徼邊塵靜黑山從今萬里外不復鑱
蕭闕九陌祥煙合千春瑞月明宮花同苑柳先發鳳凰
城

宮中樂云網戶交如綺紗窻薄似煙樂吹天上曲人是
月中仙翠匣開寒鏡珠釵掛步搖粧成祗是曉更漏促
清宵紅果瑤池實金盤露井冰甘泉將避暑臺殿水光
凝月彩浮鸞殿砧聲遠鳳樓笙歌臨水檻紅燭乍迎秋
奇樹留寒翠神池結夕波黃山一夜雪渭水鴈聲多

春遊云煙柳飛輕絮風榆落小錢濛濛百花裏羅綺競
鞦韆行樂三春節林花百和香當年重意氣先占闕鷄場

春閨怨云雪盡萱抽葉風輕水變苔玉闌書信絕又見
發庭梅裊裊邊城柳青青陌上桑提籠行採葉昨夜夢
漁陽

行一作忘

桂魄初生秋露微輕羅已薄未更衣銀箏夜久殷勤弄
心怯空房不忍歸

太平辭云風俗今和厚君王在穆清行看採花曲盡是
太階平聖德超千古皇風靜四方蒼生今息戰無事覺
時長

遊春曲云萬樹江邊杏新開一夜風滿園深淺色照在
綠波中上苑何窮樹花開次第新香車與絲綺風靜亦

生塵

送春辭云日日人空老年年春更歸相歡在樽酒不用
惜花飛

塞上曲云天驕遠塞行出鞘寶刀鳴定是酌恩日今朝
覺命輕卷旆生風喜氣新早持龍節靜邊塵漢家天子
圖麟閣身是當今第一人

贈遠云當年只自守空帷夢見江山覺別離不見鄉書
傳鴈足唯看新月吐娥眉厭攀揚柳臨青閣閑採芙蓉
傍碧潭走馬臺邊人不見拂雲堆畔戰方酣
閨人思云愁見遊空百丈絲春風惹斷更傷離閑花落

徧蒼苔地盡日無人誰得知

秋夜曲云丁丁漏水夜何長漫漫輕雲露月光秋逼暗
蟲通夕響征衣未寄莫飛霜碧窻斜月藹清輝愁聽寒
蛩淚濕衣夢裏分明見關塞不知何路向金微秋天一
夜靜無雲斷續鴻聲到曉聞欲寄征衣問消息居延城
外又移軍博山沉燎絕餘香蘭燼金檠怨夜長為問青
青河畔草幾回經雨復經霜

天馬辭云天馬初從渥水來郊歌曾唱得龍媒不知王
塞沙中路首宿殘花幾處開蹀躞宛駒齒未齊擬金噴
玉向風嘶來時行盡金河道獵獵金風在碧蹄

緱山鶴詩羽客驂仙鶴將飛駐碧山映松殘雪在度嶺
片雲還清唳因風遠高姿對水閑笙歌憶天上城郭嘆
人間幾覺霜毛潔殊知藻質班迢迢煙路逸奮翮詎能
攀

砌臺即今擦擦臺也仲素詩云騁望臨香閣登高下砌
臺林間踏青去席上寄箋來

仲素字繪之建封之子憲宗以仲素段文昌為翰林學
士韋賢之曰學士所以備顧問不宜專取辭藝罷之後
終中書舍人

右王涯令狐楚張仲素五言七言絕句共作一集號三

唐詩紀事卷第四十二
舍人集今盡錄于此

唐詩紀事卷第四十二

唐詩紀事卷第四十三

竇參

郎士元

于良史

舒元興

李諒

李賀

呂溫

呂恭

段洪古

何元上

羊士諤

馮宿

柳宗元

吳武陵

邵真

崔膺

衛象

李宣遠

熊孺登

崔立之

郭遵

常紆

竇參

謫江表久未歸有詩云一自經放逐徘徊無所從便爲
出山雲不得隨飛龍名豈不欲保歸豈不欲早苟無三

月資難適千里道離心與羈思終日常草草人生年幾
齊憂苦即先老誰能假羽翼使我暢懷抱

湖上閒居云避影將息陰自然知音稀向來深林中偶
亦有所窺飛鳥口銜食引鷓上高枝高枝但各有安知
宜不宜止止復何云物情何自私

高仲武云參詩祖沈千運比於孟郊尚在廊廡之間然
萬丈水聲落四時松色寒又人生年幾齊憂苦即先老
羽翮未齊而力已具

參字時中爲人矜嚴悻直果於斷初爲萬年尉失囚貶
尉江夏代同舍人罪人義之相德宗與陸贄不平以姦

賄貶賜死於邕州

卽士元

題劉相公三湘圖云昔別醉衡霍爾來憶南州今朝平
津邸兼得瀟湘遊稍辨荆門樹依然芳杜洲微明三巴
峽咫尺萬里流去鳥不知倦遠帆生暮愁涔陽指天末
北渚空悠悠枕上見漁父坐中常狎鷗誰言魏闕下自
有東山幽

塞下曲云寶刀塞上兒身經百戰魯百勝壯心竟未嫖
姚知白草山頭日初沒黃沙城下歌聲發蕭條夜靜邊
風吹獨倚營門望秋月

贈常司直云聞君感歎二毛初舊友相依萬里餘烽火
有時驚暫定甲兵無處可安居客來吳越星霜久家在
平陵音信疎昨日秋風還入戶登山臨水意何如
送張南史云雨餘深巷靜獨酌送殘春車馬雖嫌僻鷺
花不棄貧蟲聲粘戶網鼠跡印床塵借問山陽會如今
有幾人

高仲武云士元員外河岳英奇人倫秀異自家刑國遂
擁大名右丞已後與錢郎更長自丞相已下出使作牧
二公無詩祖錢時論鄙之兩公詞體大約欲同就中郎
公稍更閒雅近於康樂如荒城背流水遠鴈入寒雲又

去鳥不知倦遠帆生暮愁又蕭條夜靜邊風吹獨倚營
門望秋月可齊衡古人掩映時輦又暮蟬不可聽落葉
豈堪聞古人謂謝朓工於發端比之於今有慙沮矣
士元字君胄中山人寶應中選畿縣官試中書補渭南
尉歷拾遺郢州刺史

送彭將軍云雙旌漢飛將萬里授橫戈春色臨關盡黃
雲出塞多鼓鼙悲絕漠烽戍隔長河想到陰山路天驕
已請和

送孫頽云悠然富春客憶與暮潮歸擢第人多羨如君
獨步稀亂流江渡淺遠色海山微若訪新安路嚴陵有

釣磯

宿杜氏江樓云適楚豈無願思歸秋向深故人江樓月
永夜千里心落葉攬鄉夢鳥啼驚越吟寥寥更何有斷

續空城碁

送彭將軍以下二章并贈南史詩姚合取為極玄集

于良史

良史為張徐州建封從事每自吟曰出身三十年髮白
衣猶碧日暮倚朱門從朱污袍赤公因為奏章服焉

春山夜月云春來多勝事賞翫夜忘歸掬水月在手弄
花香滿衣興來無遠近欲去惜芳菲南望鍾鳴處樓臺

深翠微

冬日寄李贊府云地際朝陽滿天邊宿霧收風兼殘雪
起河帶斷水流北闕馳心極南園尚旅遊登臨思不已
何處得銷憂

閒居寄薛據云隱几讀黃老閒齋耳目清僻居人事少
多病道心生雨洗山林濕鷓鳴池館晴晚來因廢卷行
樂至西城

高武仲云良史詩清雅工於形似如風兼殘雪起河帶
斷水流吟之未終皎然在目

舒元興

大和九年誅王涯等仇士良愈專恣文宗惡之雖登臨

唐詩卷四三
四
遊幸未嘗爲樂或瞠目獨語左右莫敢進問因題詩曰
輦路生春草上林花滿枝憑高何限意無復侍臣知一
日看牡丹或吟曰拆者如語含者如咽俯者如愁仰者
如悅吟罷方省元輿詞不覺嘆息泣下露衣

李翱在長沙嫁常中丞愛姬所生女之流落者元輿自
京馳詩贈翱曰湘江舞罷忽成悲便脫鸞靴出絳帷誰
是蔡邕琴酒客魏公懷舊嫁文姬

元輿婺州人與李訓善同相文宗專附鄭注詭謀謬筭
日與訓比敗天下事二人爲之也

元輿授監察御史時坊州刺史汪洙贖貨御史大夫温

造署元輿往訊之於坊州按獄有詩云中部接戎塞頑
山四周遭風冷木長瘦石磽人亦勞牧守苟懷仁因之
時爲搔其愛如赤子始得無啼號奈何貪狼心潤屋沉
脂膏攫搏如猛虎吞噬若狂獒山秃逾高採水窮益深
撈龜魚既絕跡鹿兔無遺毛氓苦稅外緡吏憂笑中刀
大君明四目燭之動秋毫眷茲一州命慮齊墜波濤臨
軒詔小臣汝往窮貪饕分明舉公法爲我緩窮騷小臣
誠小心奉命如煎熬飲水不待夕驅馬凌晨臯及此督
簿書游詞出狴牢門牆見狼狽案牘聞腥臊探情與之
言變態如姦獠真非既巧飾偽意乃深韜去惡猶農夫

唐書卷五十五
五
稂莠須耘藉恢恢布疎網罪者何由逃自顧孱鈍姿利
器非能操六旬始歸奏霜落秋原蒿寄謝守土臣努力
清郡曹湏知聽甚卑勿謂天之高

橋山懷古云軒轅戡代千萬秋淶波浩蕩東南流今來
古往無不死獨有天地長悠悠我乘驛騎到中部古聞
此地爲渠搜橋山突兀在其左荒榛交鑠寒風愁神仙
天下亦如此况我蹙促同蜉蝣誰言衣冠葬其下不見
弓劍何人收哀喧叫笑牧童戲陰天月落狐狸遊却思
皇墳立人極車輪馬跡無不周洞庭張樂降玄鶴涿鹿
大戰推蚩尤知勇神天不自大風后力牧輸長籌襄城

迷路問童子帝鄉歸去無人留崆峒求道失遺跡荆山
鑄鼎餘荒丘君不見黃龍飛去山下路斷髯成草風颭
颭

八月五日中部官舍讀唐歷天寶已來追愴故事云將
尋國朝事靜讀柳芳曆八月日之五開卷忽感激正當
天寶末撫事坐追惜仰思聖明帝貽禍在肘腋楊李盜
吏權貪殘日狼籍燕戎何其便百萬奮長戟兩河連烟
塵二京成瓦礫生人死欲盡揆業猶不息肅宗傳寶圖
寇難連年擊天地方開泰鑄鼎成繼述萬國哭龍衣悲
思動蠻貊自此千秋節不復動金石悲風揚霜天總惟

冷塵席零落太平老東西亂離客往往爲余言嗚咽淚
雙滴况當近塞地哀吹起邊笛撫几觀陳文使我心不
懌花萼笑繁華溫泉樹容碧霓裳煙雲盡梨園風雨隔
露囊與金鏡東游驚波溺昔聞歡娛事今日成慘感神
仙不可求劔璽苔文積萬古長恨端蕭蕭泰陵陌
坊州按獄蘇氏庄記室二賢自鄜州走馬相訪留連數
日發後獨坐寂寞因成詩寄之云十年一相見世路信
多岐雲雨易分散山川長間之我啣鳳闕恩按獄橋山
陸君在龍驤府掌奏羽檄詞相去百餘里魂夢自相馳
形容在腦臆書札通相思煩君愛我深輕車忽載脂塞

門秋色老霜氣方凝姿此地少平川崗阜相參差誰知
路非遠行者多云疲君能犯勁風信宿凌歊危情親不
自倦下馬開雙眉相對坐沉吟屈指驚歲時萬事且莫
問一盃欣共持陽烏忽西傾明蟾挂高枝卷簾引瑤玉
滅燭臨霜墀中庭有踈蘆浙浙聞風吹長河卷雲色凝
碧無瑕疵一言開我懷曠然澹希夷悠悠夜方未冷思
偏相宜眉睫無他人與君閒解題陶然叩寂寞更請吟
清詩得意且忘言何況竹與絲頃刻過三夕起坐輕四
肢明朝告行去慘然還別離出門送君去君馬揚金羈
迴來坐空堂寂寞無人知重重碧雲合何處尋佳期

李諒

蘇州元日郡齋感懷寄越州元相公杭州白舍人云稱
慶還鄉郡吏歸端憂明發儼朝衣首開三百六旬曆新
知四十九年非當官補拙猶勤慮遊宦量才已息機舉
族共資隨月俸一身惟憶故山薇舊交邂逅封疆近老
牧蕭條宴賞稀書札每來同笑語篇章時到借光輝絲
綸輒厭分符竹舟楫初登擁羽旂未知今日情何似應
與幽人事有違

時長慶四年也

樂天和李中丞元日寄詩兼呈微之云領郡慙當潦倒
年鄰州喜得平生友又云憑鶯傳語與李六倩鴈將書

寄元九莫嘆一日日催人且貴一年年入手

樂天草諒泗州刺史制云諒自澄城長訖尚書郎中間
再爲州牧三宰劇縣苦心卹隱仁恕及物操刃决滯若
騷有聲諒後爲京兆尹

諒字復言微之有酬復言元日郡齋感懷詩云臘盡殘
銷春又歸逢新別故欲沾衣自驚身上添年紀休繫心
中小是非貴富祝來何所遂聰明鞭得轉無機羞看稚
子先拈酒悵望平生舊採薇去日漸加餘日少賀人閒
鬧故人稀椒花麗句開重檢艾髮衰容惜寸輝苦思正
宜酌白雪閒觀風色助青旂千官伏下爐煙裏東海西

頭意獨違

祝富貴鞭聰明皆
正旦童稚故云

李賀

高軒過云華裾織翠青如葱金環壓轡搖玲瓏馬蹄隱
 耳聲隆隆入門下馬氣如虹云是東京才子文章鉅公
 二十八宿羅心宵元精照耀貫當中殿前作賦聲摩空
 筆補造化天無功龐眉書客感秋蓬誰知死草生華風
 我今垂翅附冥鴻他日不羞蛇作龍韓退之皇甫湜聯
騎造門賀摠角荷

衣而出此詩
操觚立成

賀以詩謁退之時為國子博士已送客解

帶門人呈卷旋讀之首篇鴈門太守行云黑雲壓城城

欲摧甲光向日金鱗開却束帶命邀之其詩云黑雲壓

城城欲摧甲光向日金鱗開角聲滿天秋色裏塞上燕
 脂凝夜紫半卷紅旗臨易水霜重鼓聲寒不起報君黃
 金臺上意提携玉龍為君死

李商隱作賀小傳云京兆杜牧為李長吉集序狀長吉
 之奇甚盡世傳之長吉姊嫁王氏者語長吉之事充備
 長吉細瘦通眉長指爪能苦吟疾書最先為昌黎韓愈
 所知所與遊者王參元楊敬之權璩崔植為密每旦日
 出與諸公遊未嘗得題然後為詩如他人思量牽合以
 及程限為意常從小奚奴騎距驢背一古破錦囊遇有
 所得即書投囊中及暮歸太夫人使婢探囊出之見所

書多輒曰是兒要當嘔出心始已耳上燈與食長吉從
 婢取書研墨疊紙足成之投他囊中非大醉及弔喪日
 率如此過亦不復省王楊輩時復來採取寫去長吉往
 往獨騎往京洛所至或時有著隨棄之故沈子明家所
 餘四卷而已長吉將死時忽晝見一緋衣人駕赤蚪持
 一版書若太古篆或霹靂石文者云當召長吉長吉了
 不能讀歛下榻叩頭言阿婆長吉學語時呼太夫人云老且病賀不
 願去緋衣人笑曰帝成白玉樓立召君為記天上差樂
 不苦也長吉獨泣邊人盡見之長吉氣絕常所居窻中
 勃勃有煙氣聞行車嘒管之聲太夫人急止人哭待之

如炊五斗黍許時長吉竟死王氏姊非能造作謂長吉
 者實所見如此嗚呼天蒼蒼而高也上果有帝耶帝果
 有苑囿宮室觀閣之玩耶苟信然則天之高邈帝之尊
 嚴亦宜有人物文彩愈此世者何獨眷眷於長吉而使
 其不壽耶噫又豈世所謂才而奇者不獨地上少耶天
 上亦不多邪長吉生二十六年位不過奉禮太常當時
 人亦多排擯毀斥之又豈才而奇者帝獨重之而人反
 不重耶又豈人見會勝帝耶

飛香芝紅滿天春上雲酒酣唱月使倒行句蹋天磨刀

割紫雲此硯右張為取作主客圖

杜牧之序其文集云賀字長吉元和中韓吏部亦頗道其歌詩雲煙綿聯不足爲其態也水之迢迢不足爲其情也春之盎盎不足爲其和也秋之明潔不足爲其格也風樯陣馬不足爲其勇也瓦棺篆鼎不足爲其古也時花美女不足爲其色也荒國侈殿梗莽丘壠不足爲其恨怨悲愁也鯨吐鼉擲牛鬼蛇神不足爲其虛荒幻誕也蓋騷之裔理雖不及辭或過之騷有感怨刺對言及君臣理亂時有以激發人意乃賀所爲無得有是賀能採尋前事所以深嘆恨今古未嘗經道者如金銅仙人辭漢歌補梁庾有吾宮體謠求取情狀離絕遠去筆墨畦逕間亦殊不能知之賀生二十七年死矣世皆曰使賀且未死少加以理奴僕命騷可也

呂溫

字和叔一字化光禮部侍郎渭之子貞元中連中四科德宗召爲集賢校書後爲治書侍御史坐王叔文貶道州改衡州年四十而歿有子安衡

溫和張舍人聞琴云迢迢天上直寂寞丘中琴憶爾山水韻起予仁智心凝情在正始超想踈煩襟涼生子夜後月照禁垣深遠風藹蘭氣微露清桐陰方襲緇衣慶永奉南薰吟

贈友人云南山雙喬松擢本皆千尋夕流膏露津朝被
青雲陰負雪出深澗搖風倚高岑明堂久不構雲榦何
森森匠意方雕巧時情正誇淫生材會有用天地豈無
心

道州觀野火詩云南風吹烈火焰焰燒楚澤陽景當晝
連陰天半夜赤過處若彗掃來時如電激豈復辦蕭艾
焉得分玉石蟲蛇盡爍爛虎兕出奔迫積穢一蕩除和
氣始融液堯時既敬授禹稼斯肇迹遍生合穎禾大秀
兩岐麥家有京坻詠人無溝壑感若悟焚如功來歲終
受益

衡州早春云碧水何逶迤東風吹春草煙波千里曲不
辨嵩陽道又云病肺不飲酒傷心不看花唯驚望鄉處
猶自隔長沙

劉夢得序其文曰蚤聞詩禮於先侍郎從梁肅學文章
勇於藝能咸有所祖年益壯志益大遂撥去文學與雋
賢交重氣槩覈名實歆然以致君及物爲大欲每於其
徒講疑考要皇王霸強之際臣子忠賢之道出入上下
千百年間詆訶角逐豐發連挂得一善輒盱衡擊節揚
袂頓足信容得色舞于眉端以爲按是言修是理合乎
心而氣將之昭昭然若揭日月而行孰能闕其勢而爭

天光者嗚呼言可信而時異道甚長而命窄精氣爲物
其有所歸乎又曰和叔年少遇君而卒以謫似賈生能
明王道似荀卿始學左氏書故其文微爲富艷夫羿之
關弓唯巴蛇九日乃能盡其力而迴注鷄爵亦要中於
尋常之間非羿之手弓有能有不能所遇然也後之達
解者推而廣之知余之素交不相索於文字之內而已
其序如此是以夢得元微之柳子厚悼呂衡州詩并誄
皆以溫功業未濟爲辭

夢得詩曰一夜霜風彫玉芝蒼生望絕士林悲空懷濟
世安人略不見男婚女嫁時遺草一函歸太史旅墳三

尺近要離朔方徒歲行將滿欲爲君刊第二碑

微之詩云氣敵三人傑交深一紙書我投冰瑩眼君報
水憐魚腔股唯夸瘦膏盲豈暇除傷心死諸葛憂道不
憂餘又云望有經綸釣度收宰相刀江文駕風遠雲貌
接天高國待球琳噐家藏虎豹韜盡將千載寶埋入五
原蒿又云白馬雙旌墜青山八陣圖請纓期繫虜枕草
誓捐軀勢激三千壯年應四十無遙聞不瞑目非是不
憐吳又云鷓鴣生難敵沉檀死更香兒童喧市井羸老
哭碑堂鴈起沙汀暗雲連海氣黃祝融峯上月幾照北
人喪

子厚作誄云元和六年八月日衡州刺史東平呂君卒君由道州以陟為衡州君之卒二州之人哭者逾月湖南人重社飲酒是月上戊不酒去樂會哭于神所而歸君之志與能不施于生人知之者又不過十人世徒讀君之文章歌君之理行不知二者之於君其末也萬不試而一出焉猶為當世甚重使君幸得出其什二三魏然為偉人與世無窮其可涯也

温孟冬蒲津關河亭作云息駕非窮途來濟豈迷津獨立大河上九風來吹人雪霜自茲始草木當更新嚴冬不肅殺何以見陽春

温有偶然作云悽悽復汲汲忽覺年四十今朝淚滿衣不是傷春泣又曰中夜兀然坐無言空涕洟丈夫志氣事兒女安得知可以見其志也

呂恭

呂温春日與李六景儉及弟恭聯句景儉云始見花滿枝又見花滿地温云且持增氣酒莫滴傷心淚恭云深誠長鬱結芳辰自妍媚景儉云笑歌聊永日誰知此時意温又有同恭歲暮寄晉州李協律詩其略曰伊我抱微尚仲氏即心期討論自少小形影相差池北來宵中氣欲耀天下奇雲衢雨沛艾煙閣雙菱蕤幾年困方枘

一旦失多岐道因窮理悟命以盡性知皆失志之狀也
呂渭四子溫恭儉遜柳宗元誌恭墓云以爲賢豪絕人
又云恭之妻裴延齡女也

段洪古

洪古澧州人呂溫守道州時洪古客焉洪古奉陪郎中
使君樓上夜把火看花詩云城上芳園花滿枝城頭太
守夜看時爲報林中高舉燭感人情思欲題詩溫荅段
秀才云盡日看花君不來江城半夜爲君開樓中共指
南園火紅燼隨花落碧苔

溫送段秀才歸澧州云湘南孤白芷幽託在清潯豈有
馨香發空勞知處深推賢路已隔賤乏力不任慙找一
言分負君千里心寸義薄聯組片誠敵兼金方期踐冰
雪無使弱思侵

何元上

呂溫知道州時元上居此州謂之何處士

元上有所居寺院涼夜書情呈呂溫云庾公念病宜清
暑遣向僧家占上方月光似水衣裳濕松氣如秋枕簟
涼幸以薄才當客次無因弱羽逐鸞翔何由一示雲霄
路賜斷星星兩鬢霜

溫荅云意氣曾傾四國豪偶來幽寺息塵勞嚴陵釣處

江初滿梁甫吟時月正高新識幾人知杞梓故園何歲
長蓬蒿期君自致青雲上不用傷心嘆二毛
温又有送何山人之容州詩云匣有青萍笥有書何門
不可曳長裾應須定取真知者遣對明君說子虛

羊士諤

小園春至偶書呈竇郎中孟員外云松篠雖苦節冰霜
慘其間欣欣發佳色如喜東風還幽抱想前躅冥鴻度
南山春臺一以眺達士亦解顏偃息非老圃沉吟玄
關馳暉忽復失壯歲不得閒君子當濟物丹梯難共攀
心期自有約去掃蒼苔班

酬西川獨孤侍御見寄云百雉層城上將壇列營西照
雪峯寒文章立事須銘鼎談笑論功耻據鞍草檄青油
推健筆曳裙黃閣聳危冠雙金未比三年字負弩空慙
知者難

亂後曲江云憶昔曾遊曲水濱春來長有探春人遊春
人靜空池在直至春深不似春

順宗實錄云元年六月貶宣州巡官羊士諤為汀州寧
化縣尉士諤性傾險時以公事至京遇叔文用事朋黨
相煽頗不能平公言其非叔文聞之怒欲下詔斬之執
誼不可則令杖殺之又不可遂貶焉由是叔文始大惡

執誼士諤受知李吉甫又最善呂溫薦爲御史嘗爲資
州刺史

張爲主客圖以樂天爲廣大教化主士諤爲入室取其

句云風泉留古溜笙磬想遺音歷山桂朽有遺馥鸞飛

安可待句塵沙藹如霧長波驚颺度鴈起汀州寒馬嘶

高城暮銀缸倦秋館綺瑟瞻永路重有携手期清光倚

玉樹

士諤望女几山早歲有卜築之志云女几山頭春雪銷

路傍仙杏發柔條心期欲去知何日惆悵迴車上野橋

酬蕭使君出妓夜讌見送云玉顏紅燭忽驚春微步凌

波拂暗塵自是當歌斂眉黛不應惆悵爲行人

郡樓晴雲云霽色朝雲盡亭高露亦晞褰開臨曲檻蕭

瑟換輕衣地遠秦人望天晴社燕飛無功慙歲晚唯念

故山歸

息舟荆溪入陽羨南山遊善觀寺呈李功曹云結纜蘭

渚曉挈侶上連崗晏溫值初霽去遶山河長獻歲冰雪

盡細泉在路傍行披煙杉入激瀾橫石梁層門表精廬

飛薨切雲翔冲襟得高步清眺極遠方潭嶂積佳氣萋

英多早芳具觀澤國秀重使春心傷念遵煩促途榮利

鶩隙光勉君脫冠意共匿無何鄉

尋山家云獨訪山家歇還涉茅屋斜連隔松葉主人聞
語未開門繞籬野菜飛黃蝶

馮宿

宿字拱之婺州人為裴度彰義判官徐州張建封掌書
記歷工刑二侍郎

宿尹河南樂天夢得以詩送之宿酬云共稱洛邑難其
選何幸天書用不才遙約和風新草木且令新雪靜塵
埃臨岐有愧傾三省別酌無辭醉百盃明歲杏園花下
集須知春色自東來

每春嘗接諸
公杏園宴會

柳宗元

宗元種柳戲題云柳州柳刺史種柳柳江邊談笑為故
事推移成昔年垂陰當覆地聳幹會參天好作思人樹
慚無惠化傳

南澗中題云秋氣集南澗獨遊亭午時迴風一蕭瑟林
影久參差始至若有得稍深遂忘疲羈禽響幽谷寒藻
舞淪漪去國魂已逝懷人淚空垂孤生易為感失路少
所宜寂寞竟何事徘徊祇自知誰為後來者當與此心
期

漁翁云漁翁夜傍西巖宿曉汲清湘燃楚竹煙銷日出
不見人欸乃一聲山水綠迴看天際下中流巖上無心

雲相逐

子厚與楊誨之書云吾年十七進士四年乃得舉二十四求博學宏詞二年乃得仕及為藍田尉走謁大官堂下與卒伍為列益學老子和光同塵雖自以為得然已得號為輕薄人矣及為御史郎官自以登朝廷利害益大雖戒礪益切卒不免為連累廢逐

子厚陷王叔文之黨遷謫卒死於柳

州柳人立廟羅池

雪詩云千山鳥飛絕萬徑人蹤滅孤舟蓑笠翁獨釣寒

江雪視鄭谷亂飄僧舍之句不侔矣東坡居士云

子厚死三年愚溪無復曩時矣劉夢得聞之賦三絕云

溪水悠悠春自來草堂無主燕飛迴隔簾惟見中庭草

一樹山榴依舊開其一草聖數行留壞壁木奴千樹屬鄰

家惟見里門通德榜殘陽寂寞出樵車其二柳門竹巷依

依在野草青苔日日多縱有鄰人解吹笛山陽舊侶更

誰過其三

吳武陵

貢院樓北新栽小松詩云拂檻愛貞容移根自遠峯已

從芳草沒終不任苔封葉小初凌雪鱗生欲化龍承春

濯雨露得地近垣墉逐吹香微動含煙色漸濃時迴日

月照為謝小山松

武陵有文而強悍嘗為韶州刺史贓罪狼籍勅令廣州
幕吏鞫之科第少年殊不假貸持之頗急武陵不勝其
忿題詩路左佛廟曰雀兒來逐颺風高下視鷹鷂意氣
豪自謂能生千里翼黃昏依舊委蓬蒿尋貶播州司戶
卒時大和八年也或云李渤為桂管觀察吳為副因宴
大醉渤命衙校米蘭梟之明日乃悟
其大過釋之
故武陵詩云
武陵信州人為大學博士太和初薦杜牧於崔郾牧第
五人登第初李愬節度唐鄧武陵薦李景儉王湘健智
沈敏可表以自副時號知人

邵真

尋人偶題云日晏不復午落花難歸樹人生能幾何莫
厭相逢遇

真為李寶臣成德軍掌書記後從李惟岳岳與田悅李
正已拒命真諫之惟岳寤使真作奏復為將吏所沮德
宗詔張孝忠朱滔合兵討惟岳大敗之悅嬰城惟岳召
真議歸順悅遣扈歲來責惟岳且欲斬真惟岳懼斬真
以謝焉其後王武俊表其忠贈戶部尚書

崔膺

感興云富貴難義合困窮易感恩古來忠烈士多出貧
賤門世上桃李樹但結繁華子白屋抱關人青雲壯心

死本以勢利交勢盡交情已如何失勢後始歎門易軌
膺博陵人性狂少長於外家不齒及長能文作道傍孤
兒歌以諷外家張建封愛其才以爲客軍衆欲食其肉
建封藏之明日置宴監軍曰某有請請崔膺建封曰如
約逡巡建封又曰某亦有請却請崔膺坐中皆笑乃獲
免膺賦別佳人云壠上流泉壠下分斷腸嗚咽不堪聞
嫦娥一入月中去巫峽千秋空白雲或云崔壠詩

李涉醉中贈膺詩云與君兄弟住嶺故與君相逢揚子
渡白浪南分吳塞雲綠楊西入隋宮路隋家文物今雖
改舞館歌臺基尚在煬帝陵邊草木深汴河流水空歸
海今古悠悠人自別此地繁華終未歇大道青樓夾翠
煙瓊墀繡帳開明月與君一言兩相許外捨形骸中爾
汝揚州歌酒不可追落神映箔湘妃語白馬黃金爲身
置誰能獨美他人醉暫到香爐一夕間能展愁眉百年
事君看白日光如箭一度別來顏色變早謀侯印佩腰
間莫遣看花鬢如霰

衛象

古詞云鵲血凋弓濕未乾礪鷓新染劍花寒遼東老將
鬢成雪猶向旄頭夜夜看

傷李端云才子浮生促泉臺此路賒官卑揚執戟年少

賈長沙人去門棲鵬穴成酒誤蛇唯餘封禪草留在茂陵家

段成式云大曆末禪師元鑒住荊州陟岵寺道高有風韻人不可得而親張璪嘗畫松於齋壁符載贊之象詠之時號三絕悉加聖焉人問之曰無事芥吾壁也其徒有殺物命者弗之責有高行者亦不稱或怪之乃題詩於竹曰大海從魚躍長空任鳥飛乃知象大曆間江陵詩人也

李宣遠

并州路作云秋日并州路黃榆落照間孤城吹角罷數

騎射鷗還帳幕遙臨水牛羊自下山征人正垂淚烽火起雲間近無西耗云遠戎兵壓境遷客淚橫襟烽候驚秦塞囚居困越吟自憐牛馬走未識犬羊心一月無消息西看日又沉

宣遠貞元進士登第

熊孺登

至日荷李常侍過郊居云賤子守柴荆誰人記姓名風雲千騎降草木一陽生禮異江河動歡殊里巷驚稱觴容侍坐看竹許同行遇覺滄溟淺恩疑太嶽輕盡搜天地物無論此時情

唐詩紀事卷四十三
和竇中丞歲酒喜見小男兩歲云更添十歲應爲相歲
酒從今把未休聞得一毛添五色眼看相逐鳳池頭
劉夢得送湘陽熊判官孺登府罷歸鍾陵因寄江西裴
中丞詩云篋留馬卿賦袖有劉弘書忽見夏木陰悵然
憶吾廬復持州民刺歸謁專城居
樂天洪州逢孺登詩云靖安院裏辛夷下醉笑狂吟氣
最麤莫問別來多少苦低頭看取白髭鬚
孺登鍾陵人登進士第終於藩鎮從事

崔立之

南至隔仗望含元殿香爐詩云千官望長至萬國拜含

元隔仗爐光出浮霜煙氣翻颼颼紫內殿漠漠澹前軒
聖日開如捧卿雲近欲渾輪囷洒宮闕蕭索散乾坤願
倚天風便披香奉至尊

退之贈崔立之評事詩云崔侯文章苦捷敏高浪駕天
輪不盡曾從關外來上都隨身卷軸車連軫朝爲百賦
猶鬱怒暮作千詩轉道緊詩意憫其窮
立之登貞元進士第

郭遵

南至日隔仗望含元殿香爐詩云冕旒親負宸弁服盡
朝天賜谷移初日金爐出御煙芬馨流遠近散漫入貂

唐詩紀事卷四十三
三
蟬霜仗凝餘白朱欄映轉鮮如看浮闕在稍覺逐風遷
爲沐皇家慶來瞻羽衛前
遵登貞元進士第

韋紆

南至日隔仗望含元殿香爐云抗殿䟽元首高高接上
玄節當南至日星是北辰天寶戟羅仙仗金爐引瑞煙
霏微雙闕麗溶洩九州連拂曙祥光滿分晴曉色鮮一
陽今在曆生植願陶甄
紆貞元進士也

唐詩紀事卷第四十三

蟬霜仗凝餘白朱欄映轉鮮如看浮闕在稍覺逐風遷
為沐皇家慶來瞻羽衛前
遵於貞元進士第

韋紆

南至日隔伏望含元殿香爐云抗殿䟽元首高高接上
玄節當南至日星是北辰天寶戰羅仙伏金爐引瑞煙
霏微雙闕麗溶洩九州連拂曙祥光滿分晴曉色鮮一
陽今在層生植願陶甄
紆貞元進士也

唐詩紀事卷第四十三

